



Republika e Kosovës
Republika Kosova
Republic of Kosovo



Komuna e Kaçanikut
Opština Kaçanik
Municipal of Kaçanik

01Nr. 60/01-5876/25
Kaçanik, 25.03.2025

PROCESVERBAL

Nga mbledhja e **III (tretë)** e Rregullt e Komitetit për Politikë dhe Financa (Legjislatura e VII e Kuvendit të Komunës), mbajtur me 25.03.2025, në ora 11:00. Mbledhja u mbajt në katin e tretë të objektit të administratës komunale, në sallën e kuvendit, me fillim pune në ora 11:00.

Nga përbërja e përgjithshme e KPF prej 7 anëtarëve, fillimisht pjesëmarrës në mbledhje nga Komiteti për Politikë dhe Financa ishin 6: Kemal Murseli, Kadri Krivenjeva, Rustem Zenuni, Agim Mani, Kadrije Lika-Troni, Edona Luzha. Në ndërkohë arriti edhe anëtarja Ardita Rrahmani, kështu që pjesëmarrës të kësaj mbledhje ishin të gjithë anëtarët-7.

Nga Ekzekutivi i Komunës, pjesëmarrës: Nënkrjetari-Sabedin Vishi, Drejtorët e Drejtorive: Qamil Stagova-DUKMM, Pranvera Loku-Zharku-DZHET, ndërkaq para se me përfunduar mbledhja, prezantoj edhe Kryetari i Komunës, Besim Ilazi.

Nga zyrtarët, në kuadër të detyrave të punës ishin: Mavije Murseli, Makfire Malsiu. Nga OSBE- mbledhjen e monitoroj: Faruk Dërmaku dhe Flora Llalloshi.

Mbledhjen e kryesoj, Kemal Murseli, Kryesues i Kuvendit.

Procesmbajtës: Makfire Malsiu, Zyrtare e Lartë për Punë të KK.

Fillimisht Kryesuesi i Kuvendit, Kemal Murseli, i përshëndeti pjesëmarrësit e kësaj mbledhje, konstatoj kuorumin, pastaj e hapi mbledhjen e III (tretë) të rregullt të KPF-së për vitin 2025, data 25 mars, me këtë:

REND PUNE

1. Aprovimi i Procesverbalit nga mbledhja e kaluar e KPF;
2. Propozim Vendimi për emërimin e komisionit përzgjedhës për drejtor dhe zëvendësdrejtore të institucioneve arsimore;
3. Propozim Vendim për ndërrimin e destinimit të tokës bujqësore në ndërtimore ZK Bob;
4. Raporti i punës i Komitetit për Politikë dhe Financa, për vitin 2024.

Lidhur me rendin e punës, e hapi diskutimin: Për diskutim nuk u paraqit kush, atëherë rendin e punës e shtroj në votim për aprovim dhe i njëjti u aprovua njëzëri. Prezentë 6. Në saje të kësaj del konstatimi së KPF,

Aprovoj

Rendin e punës në përbërje prej 4 pikave.

U kalua në shqyrtimin e pikave sipas renditjes:

1. Aprovimi i Procesverbalit nga mbledhja e kaluar e KPF;

Procesverbali i mbledhjes së kaluar të KPF u aprovua njëzëri pa vërejtje. Në saje të kësaj del konstatimi së KPF e,

Aprovoj

Procesverbalin e mbledhjes së II (dytë) të rregullt e Komitetit për Politikë dhe Financa (KPF) për vitin 2025 të datës 24.02.2025/ Lënda: 01Nr. 60/01-3990/25.

2. Propozim Vendimi për emërimin e komisionit përzgjedhës për drejtor dhe zëvendës drejtor të institucioneve arsimore;

Kryesuesi i Kuvendit: Siç e dini, me udhëzimet e reja administrative, kërkohet nga KK me u formuar komisioni për intervistimin e kandidatëve për drejtor dhe zëvendës drejtor të institucioneve arsimore. Drejtori është këtu, nëse ka kush diçka, e hapi diskutimin:

z. Agim Mani: Nuk e di sesi e thotë Rregullorja çështjen e formimit të komisionit përzgjedhës për drejtor dhe zëvendës drejtor të institucioneve arsimore. Unë mendoj se edhe me përzgjedhjen e tyre duhet të merret KK, se neve në KK po na vjen vetëm për miratim. Në këtë komision përzgjedhës, duhet me qenë një përfaqësues i prindërve. Nëse ekzekutivi i ka vendosur do emra, e në KK na vijnë vetëm për miratim, nuk po me duket e logjikshme. Në propozim vendim, thuhet se duhet të jetë në komision një përfaqësues i MASHT. Shtrohet pyetja: Kush e përfaqëson anëtarin nga MASHT?

Kryesuesi i Kuvendit: Sipas rregulloreve dhe UA, komisioni duhet të jetë në këtë përbërje: një anëtarë nga DA, një anëtarë nga drejtorët e shkollave, një përfaqësues i ministrisë, që ne nuk mundem me përcaktuar emra, i cakton ministria e Arsimit. Qysh e di unë, për secilën shkollë, ka me qenë një prej prindërve. Secila shkollë i ka këshillat e prindërve dhe ata vet e përcaktojnë anëtarin. Fjalën e ka drejtori i DA, Zahir Doda. Përafërsisht kështu është, me herët kjo nuk ka qenë me miratuar KK, tani e kanë bërë obliguese me miratuar KK.

z. Zahir Doda: Edhe me herët ka qenë në obligim të KK miratimi i vendimeve të tilla, por komisioni e ka pasur mandatin 1 apo 2 vite, nëse nuk gabo. Tani nuk kanë mandat, komisioni është ad hoc, sipas Rregullores 19/24. Propozimet i bënë drejtorja e Arsimit. Kryetari i komisionit duhet me qenë nga drejtorja e Arsimit, anëtar i dytë mundet me qenë një udhëheqës i shkollave, ekspert i arsimit ose anëtar nga këshilli i prindërve që ka nivel të arsimimit me të lartë sesa kandidatët aplikantë. Në këshillin komunal të prindërve, nuk kemi të tillë, ekspertë të arsimit nuk kemi në komunën e Kaçanikut, se duhet me pasur certifikatë, e ne nuk kemi, ndërkaq me marrë nga jashtë duhet me paguar etj. E vetmja formë për caktimin e anëtarit të dytë na mbetet prej drejtorëve të shkollave. Elementi i dytë, MASHT kërkon me përfillë gjininë, patjetër nga tre anëtarët duhet të jetë femër. Unë nuk kam në drejtorinë e Arsimit, drejtoresha janë dy, Florija dhe Diana. Komisioni është ad hoc, për konkursin që janë paraparë 4 drejtorë dhe zëvendës drejtorë, e kryejnë dhe më këta emra nuk vazhdojnë tutje. U.d. kam zëvendës drejtorin e SHFMU "Emin Duraku", drejtorin e Begracës, kam hapur konkurs që 2 herë, nuk ka aplikuar askush. U.d. kam edhe në SHMP, konkursi ka qenë i hapur, nuk ka pasur kandidatë që kanë aplikuar. Me duhet me hapur konkurs për SHFMU "Jusuf Gërvalla", sepse tani drejtori i shkollës pensionohet. Këto janë 4 pozita të lira, unë i kam propozuar 2 emra për anëtarë të komisionit përzgjedhës.

z. Agim Mani: Kryetarin e komisionit e the se e cakton kryetari.

z. Zahir Doda: Kryetari i komisionit është i caktuar me rregullore.

z. Agim Mani: Anëtar i dytë a është i caktuar me rregullore?

z. Zahir Doda: Po. Për anëtarin e dytë janë tre opsione: anëtar i dytë mundet me qenë një drejtues i një institucioni shkollor-drejtor, ekspert i arsimit ose anëtar nga këshilli komunal i prindërve që ka nivel të arsimimit me të lartë sesa kandidatët që kanë aplikuar që konkurrojnë për drejtor shkolle.

z. Agim Mani: A mendoni se ka nivel me të lartë për anëtarin me numër 2, sesa kandidatët që kanë aplikua, nëse supozojmë se mundet me aplikuar për drejtor shkolle një kandidat një magjistër apo doktor shkence?

z. Zahir Doda: Me letra, po.

Kryesuesi i Kuvendit: Duhet të jetë niveli i arsimit i kërkueshëm për pozitën, se mundet me pasur kandidat akademik, e ne akademik nuk kemi në komision përzgjedhës.

z. Agim Mani: Komisioni përzgjedhës duhet me qenë apolitik, sepse sado me ditur kandidati, kur ju jeni person politik edhe komisioni politik, kjo nuk është në rregull.

z. Zahir Doda: Diana Reka me herët kishte qenë në struktura të partisë, ndërkaq ne si komunë nuk kemi drejtoresha të shkollës, përpos Dianës dhe Florijes.

znj. Pranvera Loku-Zharku: Nuk janë drejtoreshat staf politik. Florije Zeneli nuk është në asnjë strukturë të partisë, gjithashtu edhe Diana Reka nuk është në struktura të partisë.

z. Agim Mani: Nëse mundeni, më gjeni vetëm një drejtor shkolle që nuk është në politikë.

znj. Pranvera Loku-Zharku: Militantë të partive mund të jenë, por jo në struktura të partisë.

z. Rrustem Zenuni: Kandidatët që aplikojnë për drejtor shkolle, a duhet patjetër të jetë mësimdhënës në atë shkollë ku aplikon, apo munden me aplikuar edhe nga shkollat tjera?

z. Zahir Doda: Munden me aplikuar edhe nga shkollat tjera edhe nga komunat tjera.

Kryesuesi i Kuvendit: Konkursi e përcakton se duhet të jenë shtetas të Republikës së Kosovës.

znj. Ardita Rrahmani: Edhe para 2 viteve kur kemi trajtuar çështjen e formimit të komisionit përzgjedhës, kemi diskutuar për të njëjtin person, nëse mundem me thënë. Përgjigjen e kam marrë, se nuk kemi alternativë tjetër. E kam hulumtuar këtë çështje dhe e kam pa se nuk ka alternativë tjetër. Unë po kërkoj që drejtorët e shkollave që janë, edhe pse nuk janë me letra në parti, me kërkuar me qenë apolitik edhe në paraqitjen e tyre. E mirëkuptova edhe drejtoreshën, se edhe para 2 viteve është diskutuar për të njëjtën çështje, por çështja është jo me ushtrua presion, por me kërkuar që mos me krijuar në opinion një bindje të tillë. Unë e kuptova që nuk janë me kartë në politikë, por një qytetar i thjeshtë e kupton ndryshe. Kjo vlen për krejt, nuk ka të bëjë me individin, por për të gjithë që kanë përgjegjësi në institucione publike, sidomos në shkolla.

znj. Pranvera Loku-Zharku: Ardita, e drejta e shprehjes, është e drejtë themelore e njeriut. Askujt nuk mundesh me ia mohuar të drejtën me shfaqur bindjen e vet politike dhe për çështje tjera, kështu që askujt ne nuk mundemi me ia mohuar të drejtën me shprehë një mendim të vetin në rrjetet sociale të tija personale.

znj. Ardita Rrahmani: Kjo dallon, në momentin kur ke përgjegjësi publike, sepse nuk e përfaqëson vetën, por institucionin, se për individin nuk ka të bëjë.

Kryesuesi i Kuvendit: Jemi duke folur për 2 çështje, njëra që është ligjore, dhe tjetra që është etike. Në aspektin ligjor nuk ka ndonjë sanksion, sepse bindjet e tija mund t'i shprehë lirshëm secili, ndërkaq në aspektin etik, pajtohem me juve, sepse kur je udhëheqës i një institucioni arsimor duhet me qenë i paanshëm. Me ligj, është në rregull në këtë aspekt, ndërkaq në aspektin etik përgjegjësinë e bartë vet secili. Edhe drejtori në këtë rast bien në pozitë të vështirë dhe nuk mundet me marrë veprime në këto raste. Diskutime të tjera nuk ka, a jeni që kjo pikë t'i shkoj KK për miratim? Njëzëri u pajtuan të gjithë. Në sajë të kësaj del konstatimi se Kuvendi i Komunës,

Aprovoj

Propozim Vendimi për emërimin e komisionit përzgjedhës për drejtor dhe zëvendësdrejtor të institucioneve arsimore. Ky Propozim Vendim i Rekomandohet

Kuvendit të Komunës për shqyrtim dhe miratim.

3. Propozim Vendim për ndërrimin e destinimit të tokës bujqësore në ndërtimore ZK Bob;

Kryesuesi i Kuvendit: E hapi diskutimin:

znj. Ardita Rrahmani: Faleminderit drejtor që e keni sjellë këtë pikë këtu, se është një kërkesë e një qytetari, ndërkaq ajo që nuk po kuptoj është, kërkesa e qytetarit është me shndërruar tokën nga bujqësore në ndërtimore. Në Propozim Vendim shënohet qartë që sipas PZHK kjo parcelë është e destinuar për bujqësi. Atëherë, qysh duhet ne kërkuar me u shndërruar në tokë ndërtimore, kur me PZHK është tokë bujqësore, me cilën PZHK po punojmë ne?

Kryesuesi i Kuvendit: Pajtohem për çështjen e vonesës së PZHK, se ne e kemi pasur kërkesa për ndërrim destinimi të tokës bujqësore në ndërtimore, një rast ishte në Bob, të cilën e kemi aprovuar dhe ministria na e ka kthyer prapë në rishqyrtim. Ne po marrim vendime, ndërkaq të njëjtat po duhet me i rishqyrtuar, sipas kërkesës së ministrisë. Ndoshta drejtori ka ndonjë arsyetim me ndryshe.

z. Qamil Stagova: Çështja e vonesës së PZHK është e vërtetë se na ka dëmtuar. Në PZHK të ri, e kemi të paraparë hapësirë për ndërtim përgjatë rrugës, mirëpo PZHK i ri ende nuk është në fuqi.

znj. Ardita Rrahmani: Ne si anëtarë të KK jemi në terr informativ, se po i kalojmë vendimet për ndërrimin e destinimit të tokës bujqësore, ndërkaq nuk e dimë se PZHK i ri çka përmban.

z. Qamil Stagova: PZHK i ri nuk është në fuqi dhe nuk mundemi me përdorë.

Kryesuesi i Kuvendit: Sipas PZHK të vjetër, ky vendim nuk kalon në ministri.

znj. Ardita Rrahmani: Vendimet që i kemi marrë për ndërrim destinimi të tokës bujqësore, nga viti 2022, në ministri nuk kanë kaluar asnjë.

z. Rustem Zenuni: Sa e di unë, ka ndonjë vendim që kanë kaluar në ministri.

Kryesuesi i Kuvendit: Nuk kanë kaluar në ministri, se nuk kanë me çka me i matur. Këtu është cekur se me PZHK është e destinuar kjo pronë për bujqësi. Ata kanë me thënë, me lënë kështu këtë parcelë, deri me miratimin e PZHK të ri. Ne kur kemi marrë vendime të tilla, ka qenë me tepër me u arsyetuar para qytetarëve, se ne po i dërgojmë në KK dhe po i miratojmë, por nuk po kalojnë në ministri.

znj. Ardita Rrahmani: Unë e kam të qartë se cila është përgjigje, me u arsyetuar para qytetarëve, por çështja është me iu kryer punë qytetarëve, se me mirë është me iu treguar në fillim se këto çështje nuk kalojnë, sesa me zgjatur përgjigjen.

Kryesuesi i Kuvendit: Me marrjen e këtyre vendimeve, ne po krijojmë përshtypje të qytetarët se po kalojnë kërkesat e tyre, dhe na adresojnë kërkesa, me shpresën që kryhen. E dërgojmë në KK, aty e vendosim a me dërguar tutje apo jo.

znj. Ardita Rrahmani: Në diskutim mundemi me ia adresuar KK, ndërkaq çështja se a kalojnë apo jo, nuk e di.

z. Sabedin Vishi: Është e vërtetë së PZHK është stërzgatur. Jeni krejt në dijeni, se përkundër emaileve e takimeve të shpeshta, në ministri, ende kemi ngelur pa përgjigje, ndërkaq ka komuna që e kanë dërguar me vonë se ne, përgjigjen e kanë marrë brenda 3 muajve, me të njëjtë persona që është bërë PZHK. Siç e dini Ardita, me PZHK të ri, kjo pjesë është pjesë ku lejohet ndërtimi. Tani sa nuk e kemi PZHK e ri, duhet të punojmë me të vjetrin, kërkesat ka të qytetarëve, ndërkaq nuk mundesh me ua shpjeguar që nuk kemi marrë përgjigje që 2 vjet. Qytetarët mendojnë se ne nuk jemi duke i dhënë qasje, përndryshe ne dritën e gjelbër, përgjigja mund të vjen negative, por kërkesat dhe presioni i vazhdueshëm i qytetarëve nuk ndalet, se

nëse nuk trajtohen kërkesat, po i bien se nuk jemi në shërbim të qytetarëve. Çështja e PZHK është neglizhencë totale.

Kryesuesi i Kuvendit: Ne duhet trajtuar në thelb ku është problemi i PZHK, para se me u marrë me këto tema, se po shndërrohem në një organ, që me provua vendimet a po kalojnë në ministri. Ne jemi organ vendimmarrës dhe vendimet tona duhet me pasur fuqi.

znj. Ardita Rrahmani: Që tre vjet si komunë jemi duke u testuar vetën në këto çështje.

z. Sabedin Vishi: Ashtu është kryesues, por duke e pritur PZHK, se me ligjin e ndërtimit, lejohen disa ndërtime.

Kryesuesi i Kuvendit: Atëherë lë të udhëheqin atë procedurë. Ne kemi rishqyrtuar shumë vendime që janë kthyer dhe kjo nuk është pasqyrë e mirë për KK me pas vendime të paligjshme me i kthyer në rishqyrtim. E adresojmë këtë çështje në KK, aty vendosim.

z. Agim Mani: Me gjerësisht e trajtojmë në KK këtë çështje. Unë mendoj që DUKMM duhet me i orientuar qytetarët në mënyrë ligjore dhe të drejtë. Kur jemi të ndërrimi i destinimit të kësaj parcele, e cila është e klasës së 3, për klasat 1-4 fillimisht duhet të merret pëlqim në ministri, pastaj me sjellë në KK. KK ka të drejtë me bërë ndërrimin e destinimit të tokave bujqësore të klasës 5 dhe 6, ndërkaq për klasat 1-4, nuk ka të drejtë pa pëlqim të ministrisë. Nëse e merr pëlqimin në ministri, KK ka të drejtë me i trajtuar ndërrimet e destinimeve të klasave 1-4 dhe me vendosur, ndërkaq për klasat 5-6 vendosë pa pëlqim të ministrisë. Në këtë rast, nuk është mirë me na i sjellë në këtë formë, pa pëlqim të ministrisë.

Kryesuesi i Kuvendit: Diskutime të tjera nuk ka, a jeni që kjo çështje të shkoj në KK për trajtim? Njëzëri u pajtuan të gjithë. Në saje të kësaj del konstatimi se KPF,

APROVOJ

Propozim Vendimin për ndërrimin e destinimit të tokës bujqësore në ndërtimore ZK Bob.

4. Raporti i punës i Komitetit për Politikë dhe Financa, për vitin 2024;

Kryesuesi i Kuvendit: Raporti është hartuar nga zyrtarja e KK, ku në vija të trasha pasqyron punën 1 vjeçare të KPF. Nëse ka kush diçka, lë të urdhëroj. Meqë nuk u paraqit kush me marrë fjalën, atëherë a jeni që kjo pikë ti shkoj KK? Njëzëri u pajtuan të gjithë. Në saje të kësaj del konstatimi se KPF e diskutoj **Raportin e Punës së vet për vitin 2024, të njëjtin ia procedon Kuvendit të Komunës për Shqyrtim dhe aprovim.**

Kryetari i Komunës -Besim Ilazi: Kërkoj të merr miratimin në KPF për zëvendësimin e anëtarit në Komisionin për emërtimin e rrugëve, në vend të Rustem Zenuni, i cili ka ofruar dorëheqje.


Kryesuesi i Kuvendit: A jeni që çështja e zëvendësimit të një anëtarit të komisionit për emërtimin e rrugëve të trajtohet në KK? Njëzëri u pajtuan të gjithë, kështu që kjo çështje do të trajtohet në mbledhjen e KK të datës 27.03.2025.

Diçka tjetër për këtë takim nuk pati, mbledhja i përfundoj punimet në ora 11:30. Deri në fund të mbledhjes qëndruan të gjithë anëtarët 07.

Mbledhja e 3 (tretë) e Rregullt e Kuvendit të Komunës do të mbahet me 28.03.2025 (e premte) në ora 11:00.

Procesmbajtës
Makfere Malsiu



Kryesues i Kuvendit
Kemal Murseli

5